



**TEKS UCAPAN
YANG BERHORMAT MENTERI PEMBANGUNAN**

**MAJLIS SAMBUTAN AWAL TAHUN HIJRAH 1440
KEMENTERIAN PEMBANGUNAN DAN
DISELAJURKAN DENGAN DOA KESYUKURAN
KEPULANGAN JEMAAH HAJI WARGA
KEMENTERIAN PEMBANGUNAN DAN
JABATAN-JABATAN DI BAWAHNYA BAGI
TAHUN 2018**

**15 SEPTEMBER 2018
BILIK BETABUR
KEMENTERIAN PEMBANGUNAN**



- ❖ Yang Mulia
Awang Shahrom bin Haji Awang Suhaimi,
Pesuruhjaya Perancang Bandar dan Desa
selaku Pengerusi Majlis

- ❖ Yang Mulia
Dayang Dr. Nor Imtihan binti Haji Abdul Razak,
Setiausaha Tetap Kementerian Pembangunan

- ❖ Yang Mulia
Awang Haji Amer Hishamuddin bin Pehin Orang Kaya Amar Dato
Seri Setia Awg Haji Zakaria,
Setiausaha Tetap Kementerian Pembangunan

- ❖ Yang Mulia
Dayang Hjh Norhayati binti Haji Mohd Yaakub,
Timbalan Setiausaha Tetap Kementerian Pembangunan

- ❖ Yang Mulia,
Penceramah undangan dari KUPUSB

- ❖ Yang Mulia,
Ketua – Ketua Jabatan, Ketua–Ketua Divisyen, Pegawai – Pegawai
Kanan Kementerian Pembangunan, Jemaah-jemaah Haji Warga
Kementerian Pembangunan Dan Jabatan-Jabatan Di Bawahnya
yang baru pulang ke tanah air

- ❖ Hadirin-Hadirat yang dihormati sekalian.

السَّلَامَةُ عَلَيْكُمْ وَرَحْمَةُ اللَّهِ وَبَرَكَاتُهُ

Selamat Petang dan Salam Sejahtera

1. Marilah kita memanjatkan puji dan syukur yang seiklas-iklasnya kehadiran Allah Subhanahu Wata'ala kerana dengan berkat rahmat, taufik dan hidayahNya, kita dapat berkumpul bersama-sama pada hari yang berbahagia ini, dimajlis sambutan awal tahun Hijrah 1440, Kementerian Pembangunan yang juga diselajurkan dengan Majlis Doa Kesyukuran sempena kepulangan Jemaah2 Haji bagi Warga Kementerian Pembangunan dan Jabatan-Jabatan dibawahnya bagi tahun 2018 Mesehi.
2. Hari ini kita telah memasuki tahun baru Hijrah 1440. Maka, marilah kita gunakan kesempatan ini menoleh sejenak ke belakang. Membuat penilaian dengan sejujur nya, sejauh mana kita telah dapat melaksanakan tanggungjawab kita dan amal bakti kita untuk Agama, Bangsa dan Negara.
3. Menyingkap kembali sejarah peristiwa hijrah Rasulullah *Shallallahu 'Alaihi Wassallam* dan para sahabat, Hijrah Rasulullah ini bukan semata-mata hanya proses perpindahan dari satu tempat ke satu tempat yang lain, tapi ianya adalah satu konsep perubahan sesebuah masyarakat atau organisasi untuk perpindahan dari suatu keadaan kepada keadaan yang lebih baik.
4. Perancangan Rasulullah *Shallallahu 'Alaihi Wassallam* untuk menubuhkan kerajaan Islamiah telah ada sebelum proses hijrah berlaku, dengan membentuk carta organisasi yang terdiri dari beberapa orang sahabat yang cukup berpengalaman dalam pengurusan.

5. Oleh itu, peristiwa hijrah Rasulullah ini juga ada kaitannya dengan sifat kepimpinan dan urus-tadbir yang lurus bagi membawa sesebuah organisasi kepada satu perpaduan yang kukuh dengan menyusun strategi dan perancangan yang teliti dengan penuh muafakat dan bersepadu.
6. Perkara ini ada kaitannya dengan Titah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan Dan Yang Di-Pertuan Negara Brunei Darussalam Bersempena Menyambut Awal Tahun Hijrah 1440, di mana Baginda menekankan supaya pemimpin-pemimpin mengikut gaya kepimpinan Nabi Muhamad *Shallallahu 'Alaihi Wassallam* dan para sahabat yang mana sifat kepimpinan mereka ini telah mengajak umat untuk mentauhidkan Allah sambil membawa semua yang dipimpin bersatu padu menghindari perpecahan.
7. Bagi kita di Kementerian Pembangunan, pemimpin-pemimpin yang telah dipilih hendaklah mampu untuk melakukan perubahan bagi mencapai satu keadaan yang lebih baik dan cemerlang dari sebelumnya.
8. Dalam hubungan ini, pelbagai usaha telah dan sedang kita laksanakan bagi meningkatkan pencapaian Kementerian Pembangunan dan Jabatan-Jabatan di Bawahnya kepada yang lebih cemerlang. Salah satunya ialah penghasilan Buku Kerangka Dasar (*Policy Framework*) dan Buku Pelan Strategik (*Strategic Plan*) Kementerian Pembangunan 2018-2023.
9. Penerbitan buku Kerangka Dasar dan Pelan Strategik ini adalah menandakan satu lagi mercu tanda penting bagi Kementerian Pembangunan untuk bergerak maju ke arah hala tuju yang sama untuk mencapai visi Kementerian Pembangunan dalam semangat satu pasukan,

bersatu padu dan membawa kita lebih dekat lagi kepada mencapai sasaran Wawasan Brunei 2035.

10. Kesemua ini memerlukan hala tuju dasar yang lebih jelas serta pendekatan-pendekatan baru yang lebih terancang dan holistik di mana Pelan Strategik 2018-2023 mengandungi *blueprint* ataupun garis panduan aktibiti-aktibiti dan projek-projek yang akan dilaksanakan selaras dengan keutamaan keperluan pengurusan dan operasi dalam tempoh 5 tahun ini.
11. Saya menyeru supaya setiap Jabatan dan Divisyen akan dapat memberikan kerjasama padu bagi menyokong strategi di bawah *Framework* dan *Strategic Plan* berkenaan.
12. Di kesempatan ini juga, saya ingin menyeru kepada semua warga Kementerian Pembangunan untuk menghayati konsep Hijrah bagi sama-sama berganding bahu dalam kita memastikan usaha-usaha memelihara kebersihan alam sekitar demi meningkatkan imej Negara kearah bersih daripada sampah sarap, bebas daripada pencemaran bahan-bahan plastik, untuk meraih kualiti hidup dan masa hadapan yang lebih baik.
13. Sudah setentunya, untuk meraih penghidupan dan masa depan yang lebih baik itu memerlukan kita melakukan peggijrahan. Menuntut pembaharuan.

Sidang Hadirin Hadirat sekalian

14. Sebelum mengakhiri ucapan ini, saya ingin mengambil kesempatan untuk mengucapkan selamat kembali ke tanah air kepada para Jemaah Haji Kementerian Pembangunan. Alhamdulillah kerana telah dapat melaksanakan rukun islam yang kelima. Semoga Allah menganugerahkan

haji yang mabrur, usaha yang disyukuri dan dosa yang diampuni Aamiin, aamiin ya ra'abbal alamin.

15. Saya juga ingin merakamkan ucapan setinggi-tinggi terima kasih dan penghargaan kepada semua yang terlibat dalam menganjurkan majlis ini, khususnya Jabatan Perancang Bandar & Desa serta seluruh warga kerja yang terlibat secara langsung atau tidak dalam menganjurkan majlis yang bermanfaat ini. Semoga Allah SWT jua yang membalasnya.
16. Akhirnya, dengan mengambil kesempatan ini saya mengucapkan selamat Tahun Baru 1440 Hijrah. Semoga tahun ini lebih baik buat kita semua.

Sekian.

وبالله التوفيق والهداية
والسلام عليكم ورحمة الله وبركاته